



O'zbekiston ovozi

№ 3
2021-yil, 20-yanvar
Chorshanba (32.645)

Ijtimoiy-siyosiy gazeta
1918-yil 21-iyundan chiqqan boshlagan

Улуғлардан улуғимсан, Ватаним!

ЖАМИЯТ ҲАЁТИНИНГ ТАНАСИ ИҚТИСОДИЁТ БЎЛСА, УНИНГ ЖОНИ ВА РУҲИ МАЪНАВИЯТДИР

Ўзбекистон Республикаси Президенти Шавкат Мирзиёев раислигида 19 январь куни маънавий-маърифий ишлар тизимини тубдан такомиллаштириш, бу борада давлат ва жамоат ташкилотларининг ҳамкорлигини кучайтириш масалалари бўйича видеоселектор йиғилиши ўтказилди.

Жаҳон тарихига назар солсак, ҳар бир халқ аввало, маънавий бирлашуви, миллий ғояси билан юксалган. Бугун янги ҳаёт куриш, ривожланган давлатлар қаторига чиқиш йўлидан бораётган мамлакатимизда ҳам миллий ғоя масаласи жуда муҳим аҳамиятга эга.

Сунги йилларда бу борада қатор қарорлар қабул қилинди. Республика Маънавият ва маърифат кенгаши раиси Президент экани белгилаб қўйилди. Кенгашнинг ҳудудий бўлимлари маъсуллик ҳокимлар зиммасига юклатилди. Бу ўзгариш маънавий-маърифий ишларни давлатимиз сиёсатида янада юксак ўринга кўтарди.

— Агар жамият ҳаётининг танаси иқтисодиёт бўлса, унинг жони ва руҳи маънавиятдир, — деди Шавкат Мирзиёев йиғилишда. — Биз янги Ўзбекистонни барпо этишга қарор

қилган эканмиз, икита мустақкам устунга таянамиз. Биринчиси — бозор тамойиллари асосланган кучли иқтисодиёт. Иккинчиси — аждодларимизнинг бой мероси ва миллий қадриятларга асосланган кучли маънавият.

Яқинда бўлиб ўтган йирик тадбирлар — давлатимиз раҳбарининг Олий Мажлисига Мурожаатномаси, Ўзбекистон ёшларининг биринчи форуми ҳамда Хавфсизлик кенгашининг кенгайтирилган йиғилишидан маънавият йўналишидаги долзарб вазифалар белгилаб берилди. Чунки бу борада ечимини кутиб турган, ўзгаришлар шамоли кириб бормаган масалалар кўп. Миллий ғоянинг моҳиятини тўлиқ англаб етмаган, эски мафзури тасаввур қилиб, бунга юзак қарайдиганлар ҳам йўқ эмас. Шу боис Президент мамлакатимиз мафзурасининг асосий ғоясини таъкидлаб ўтди:

— Биз яратаётган янги Ўзбекистоннинг мафзураси эзулик, одамийлик, гуманизм ғояси бўлади. Мафзура деганда, аввало, фикр тарбиясини, миллий ва умуминсоний қадриятлар тарбиясини тушунамиз. Улар халқимизнинг неча минг йиллик ҳаётий тушунча ва қадриятларига асосланган, — деди давлатимиз раҳбари.

Маъзулми, бугун дунёда кескин кураш ва рақобат ҳукм сурмоқда, манфаатлар тўқнашуви кучаймоқда. Глобаллашув жараёни инсоният учун беқиёс янги имкониятлар билан бирга қўтилмаган муаммоларни ҳам келтириб чиқармоқда. Миллий ўзлик ва маънавий қадриятларга қарши таҳдид ва хатарлар тобора ортмоқда. Фақат ўзини уйлаш, меҳнатга, оиллага энгил қараш, истеъмолчилик кайфияти турли йўллар билан одамлар, айниқса, ёшлар онгига устамонлик билан сингдириляпти.

Терроризм, экстремизм, трансмиллий ва кибержиноятчилик, одам савдоси, наркотрафик каби таҳдидлар хавфи ошиб бормоқда. Баъзи ҳудудларда атайин беқарорлик юзага келтирилиб, норозилик кайфияти авж олдирилмоқда.

Бундай таҳликали вазиятда ҳушёр ва огоҳ бўлиб, халқимизнинг тинчлиги, мамлакатимиз манфаатларини ўйлаб яшаш зарур.

Давлатимиз раҳбари лоқайдлик ва беларволик энг катта хавф эканини, бугун учраётган ижтимоий муаммоларни қамайтириш учун нурунийлар тарбияси, жамоатчилик назорати етишмаётганини таъкидлади.

Йиғилишда қайд этилганидек, ижтимоий-маънавий муҳитни илмий асосда таҳлил қилишни даврнинг ўзи талаб этмоқда. Жамиятимизда маънавий-маърифий ишлар шундай асосда йўлга қўйилмагани учун ҳам қўтилган натижани бермаяпти.

Шунинг учун Республика Маънавият ва маърифат маркази ишини танқидий ўрганиб чиқиб, фаолиятини тубдан такомиллаштириш зарурлиги айtilди.

Президентимиз ушбу марказнинг "Маънавият тарғиботчиси" ўқув муассасаси негизда Ижтимоий-маънавий тадқиқотлар институтини ташкил этиш тақлифини билдирди.

Давоми 2-бетда. ▶

ТАҲЛИЛ ВА ТАКЛИФ

ТАЪЛИМ ИСЛОҲОТЛАРИ ХАЛҚАРО СТАНДАРТЛАРГА МОСМИ?

ХАЛҚ ТАЪЛИМИ ҲАМДА ОЛИЙ ВА ЎРТА МАХСУС ТАЪЛИМ ВАЗИРЛИКЛАРИ ДИҚҚАТИГА!

БУГУН УЛУҒ МАҚСАДЛАР ЙЎЛИДА МАМЛАКАТИМИЗ ТАЪЛИМ ТИЗИМИДА ТУБ ИСЛОҲОТЛАРНИ АМАЛГА ОШИРИШ ИШЛАРИ ОЛИБ БОРИЛМОҚДА. ПРЕЗИДЕНТИМИЗНИНГ ОЛИЙ МАЖЛИСГА МУРОЖААТНОМАСИДА ТАЪЛИМ-ТАРБИЯ СОҲАСИНИ ЯНГИ БОСҚИЧГА КЎТАРИШГА ҚАРАТИЛГАН ТАРИХИЙ АҲАМИЯТГА ЭГА ВАЗИФАЛАР БЕЛГИЛАБ БЕРИЛДИ.

Янги Ўзбекистонни барпо этишдек юксак мақсад учун курашилаётган ҳозирги жараёнда мақтов айтишдан кўра, камчиликларни танқид қилиш, уларни бартараф этиш бўйича тақлифлар айтиш минг баробар муҳим ва фойдалидир.

САМАРҚАНД ДАВЛАТ МЕДИЦИНА ИНСТИТУТИ ПРОФЕССОРИ, ТАНИҚЛИ ОЛИМ АЗАМАТ ШАМСИЕВНИНГ "ТАЪЛИМ ИСЛОҲОТЛАРИ ХАЛҚАРО СТАНДАРТЛАРГА МОСМИ?" САРЛАВҲАЛИ ТАҲЛИЛИЙ МАҚОЛАСИНИ ЎҚИБ, КЎНГИЛДАН АНА ШУНДАЙ ФИКРЛАР ЎТДИ. УНИНГ ТАКЛИФЛАРИ ҲАР ТАМОНЛАМА АСОСЛАНТИРИЛГАН БИЛАН ЭЪТИБОРИМИЗНИ ТОРТДИ.

БУ ТАКЛИФЛАР ТЕГИШЛИ ВАЗИРЛИКЛАР ВА БОШҚА МАСЪУЛЛАР ТОМОНИДАН ДИҚҚАТ БИЛАН ЎРГАНИЛИШИ ВА ХОЛИС ХУЛОСАЛАРГА КЕЛИНИШИ ЛОЗИМ, ДЕБ ЎЙЛАЙМИЗ.

ТАҲРИРИЯТ



Азамат ШАМСИЕВ,
Самарқанд давлат медицина
институти профессори

Президентимиз Шавкат Мирзиёев раҳбарлигида мамлакатимиз таълим тизимини тубдан ўзгартириш, уни халқаро стандартларга интеграциялаш, меҳнат бозори талабига мос юқори малакали мутахассис кадрлар тайёрлаш ҳамда миллий уйғониш ғоясини рўйбга чиқарадиган юксак маданий ва маънавий вояга етказиш механизmlарини яратиш мақсадида тарихий ислохотлар амалга оширилмоқда.

Ўзбекистоннинг кейинги тарақиёти жараёнида мактабгача таълим тизимини ривожлантириш, умумтаълим мактаблари фаолиятини яхшилаш, олий таълим тизимини дунё стандартларига мослаштириш, халқаро рейтингларга кириштириш, ўқув юртлирига қабул қилишда адолатли тизимни ўрнатилиш, мамлакатимизда нуфузли чет эл университетларининг филиалларини очиб қўйиш ишлар олиб боришмоқда.

Аmmo минг афсуслар бўлсинки, мамлакатимиз таълим тизими ривожига, айниқса, унинг дунё стандартлари даражасига чиқишига тўсиқ бўлаётган муаммолар ҳам йўқ эмас. Булар нималардан иборат ва уларни бартараф этиш йўллари қандай?

Мамлакатимиз таълим тизими ривожига тўсиқ бўлиб турган энг биринчи муаммо, бу — давлат таълим стандартларининг ЮНЕСКО томонидан қабул қилинган Халқаро таълим классификацияси стандартига (ХТКС) мос келмаслиги.



Ваҳоланки, бу халқаро стандартда таълим соҳасининг барча босқичларига оид меъёрлар аслида қандай бўлиши, қандай тарзда бўлса, юқори натижаларга эришиш мумкинлиги аниқ ва равшан белгилаб берилган. Лекин бизнинг таълим тизимимизда шу кунгача бу меъёрлар кўзда тутилмаган.

Холбуки, жаҳон таълим соҳасига кўра, миллий таълим стандартлари, ўз ижтимоий, иқтисодий ва маданий хусусиятларига эга бўлган алоҳида олинган айрим давлатлар таълим тизимига мос, балки Халқаро таълим классификацияси стандартига (ХТКС) асосланиши зарур. Фақат шундагина жаҳон стандартлари талабларига жавоб бера оладиган юқори малакали, рақобатбардос кадрлар тайёрлаш имконияти пайдо бўлади.

Дунёнинг ривожланган давлатлари қатори Ўзбекистонда ҳам йиғирма йилдан ортқ вақт мобайнида, то ўтган асрнинг охиригача Халқаро таълим классификацияси стандартидан (1976) фойдаланиб келинди. Бирок, дунё таълим тизимига киририлган кейинги янгиликлар натижасида ушбу асосий концептуал ҳужжат икки марта янгиланди (ХТКС-1997 ва ХТКС-2011). Аммо янгиланган бу муҳим халқаро ҳужжатлар, мамлакатимиз таълим тизимини ислох қилиш учун 1997 йилда "Таълим тўғрисида" ва "Кадрлар тайёрлаш миллий дастури тўғрисида"ги қонунларни қабул қилишда, шунингдек, 1999-2001 йилларда "Давлат таълим стандартлари"ни ишлаб чиқиш жараёнида ҳисобга олинмади. Натижада мамлакатимиз таълим тизими жаҳон таълим стандартларидан узоқлашди ва анча ортда қолди.

Давоми 5-бетда. ▶

ДЕПУТАТ ФИКРИ

Ўзбекистон Республикаси Президенти Шавкат Мирзиёевнинг Олий Мажлиси Мурожаатномаси халқимиз томонидан қизгин қўллаб-қувватланиб, муҳокама этилмоқда.

Олий Мажлис Қонунчилик палатаси депутатлари Мурожаатномада илгари сурилган ғоялар, белгилаб берилган вазифаларга фаол муносабат билдиришмоқда.



Нурдинжон
ИСМОИЛОВ,
Олий Мажлис
Қонунчилик
палатаси
Спикери:

— Президент томонидан парламентга Мурожаатнома йўллаш институти давлат ва жамиятни барқарор ривожлантиришни стратегик жиҳатдан самарали режалаштиришни таъминловчи муҳим сиёсий-ҳуқуқий жараён сифатида қарор топди.

Мурожаатномада юрт ободлиги, халқ фаровонлиги йўлида белгиланган улуғвор вазифаларни амалга ошириш мақсади барчани янада бирлаштиради ва келажакка ишончни мустақкамлайди. Парламент Президент томонидан билдирилган ишончдан фахрланади ва бу ишонч масъулиятини чуқур англайди. Белгилаб берилган вазифалар сифатли бажарилишини таъминлаш учун қатъият ва масъулият билан ҳаракат қилади.



Шерзод
РАҲМОНОВ,
Олий Мажлис
Қонунчилик
палатаси
депутати, ЎзХДП
фракцияси
аъзоси:

— Инсон қачонки доимий иш ўрнига эга бўлса, кўнгли тинч, эртанги кунига ишончи баланд бўлади. Шу жиҳатдан олиб қараганда бандлик масаласи ҳеч бир замонда долзарблигини йўқотмайди. Хусусан, Олий Мажлиси Мурожаатномада ҳам шунга алоҳида эътибор қаратилди. Жорий йилдан бошлаб вақтинча ишсизлик нафақаси уч баробарга ошириладиган бўлди. Эски бюрократик тартиб ўрнига соддаштирилган тизим жорий этилади. Унга кўра, ишсизлик нафақаси олмоқчи бўлган фуқаро тегишли ташкилотга 6 та ҳужжатни тақдим этиши кифоя.

Албатта, белгиланган вазифалар улкан, ниятлар улғ. Бироқ ҳар бир сўз амали билан аҳамиятли эканини унутмаслигимиз лозим. Шундай экан, Мурожаатномадаги вазифалар ижросини назорат қилишда депутатлик ҳамда жамоатчилик назорати кучайтирилиши зарур, деб ўйлайман.



Фирдавс
ШАРИПОВ,
Олий Мажлис
Қонунчилик
палатаси
депутати, ЎзХДП
фракцияси
аъзоси:

— Бугунги кунда ўзини оқламаган коллежлар ўрнига касб-хунар мактаблари ва техникумлар ташкил этилмоқда. Эндиги масала улар ҳам олдинги хатони такрорламаслигида. Фикримни қуйидагича изоҳласам. Денов туманининг энг чекка ҳудудларида 4 та касб-хунар мактаби фаолият юритмоқда. Хўш, ўқув муассасаларида ўргатилаётган касбларга худдудда эҳтиёж борми? Эртага касб-хунар мактабини битирган йигит-қизлар иш топа олмай яна сарсон бўлишмайдами?

Бу ўрганишимиз зарур ҳамда кечиктириб бўлмайдиган масалалардан биридир. Зеро, таълим-тарбияга юзак қараб бўлмаслигини ҳаётнинг ўзи кўрсатиб турибди.

МУРОЖААТНОМА

Авалло, таълим ва тарбияни ривожлантириш, соғлом турмуш тарзини қарор топтириш, илм-фан ва инновацияларни тараққий эттириш миллий ғоямизнинг асосий устунлари бўлиб хизмат қилиши лозим.

ОЛИМЛАРИМИЗ ИЛМҲИЙ ИШЛАРИ ВА ИХТИРОЛАРИ

наинки Ватанамиз, балки дунё тараққийига ҳам хизмат қилмоқда

Шоғирлар устозлар ҳақида

МАМЛАКАТИМИЗ ВА ДУНЁ ИЛМ-ФАНИ РИВОЖИГА БЕКИЌ ХИССА ҚУШГАН МАШХУР ОЛИМЛАРИМИЗ ҲАҚИДА ҚАНЧА КЎП БИЛСАҚ, БОШИМИЗНИ ШУНЧА БАЛАНД КЎТАРАМИЗ, ФАХРЛАНАМИЗ, ГУРУРЛАНАМИЗ, УЛАР ХОТИРАСИ ОЛДИДА МАСЪУЛИЯТИМИЗ ЯНАДА ОШАДИ. ЎЗИНИНГ ОЛАМУМУЛ КАШФИЁТЛАРИ БИЛАН ДУНЁГА ТАНИЛГАН ЎЗР ФА АКАДЕМИГИ, РОССИЯ ВА ЎЗБЕКISTОННИНГ БИР ҚАТОР ДАВЛАТ МУКОФОТЛАРИ СОВРИНДОРИ, ЎЗБЕКISTОНДА ХИЗМАТ КЎРСАТГАН ФАН ВА ТЕХНИКА АРБОБИ, АТОҚЛИ ОЛИМ МУҲАММАД ҲАҚИМОВ АНА ШУНДАЙ ОЛИМЛАРДАН БИРИ ЭДИ. ИСЛОМ КАРИМОВ НОМИДАГИ ТОШКЕНТ ДАВЛАТ ТЕХНИКА УНИВЕРСИТЕТИ ПРОФЕССОРИ, ТЕХНИКА ФАНЛАРИ ДОКТОРИ КАМОЛХОН АББOSOVИЧ КАРИМОВ БИЛАН СУҲБАТИМИЗ ОЛИМНИНГ ҲАЪТИ ВА ИЛМИЙ ФАОЛИЯТИ ҲАҚИДА БЎЛДИ.

тўқимачилик институтига ишга келади ва 1945 йилга қадар бу ерда ишлайди. Ушбу йиллар давомида институт директорининг ўқув ҳамда илмий ишлар бўйича муовини, «Материаллар қаршилиги» кафедраси мудири каби лавозимларда ишлайди. 1947 йили унга қурилиш механикаси соҳасида техника фанлари доктори илмий даражаси ва профессор илмий унвони берилди.

Муҳаммад Тошевич Ўрозбоев 1947 йилнинг март ойидан 1957 йилга қадар Ўзи таъсил этган Ўзбекистон Фанлар академияси қошидаги Иншоотлар институтининг директори бўлган. 1956 йили Ўзбекистон Фанлар академиясининг академиги этиб сайланади. 1957 йилдан 1961 йилгача Ўзбекистон фан-техника давлат комитети раиси, кейинчалик 1963-1971 йилларда Ташкент политехника институти ректори, 1970-1971 йилларда Ўзбекистон ФА Президиуми аъзоси ҳамда Механика ва бошқариш жараёнлари бўлимининг академиги котиби ва Ҳаётининг сунги кунига «Фан ва турмуш» журналининг бош муҳаррири бўлган.

— Муҳаммад Ўрозбоевнинг илмий ишлари бугунги кунда жаҳонда ва мамлакатимизда қай даражада қўлланилмоқда? — Муҳаммад Тошевич илмий фаолияти давомида ҳар хил техник масалаларни ҳал қилишда назарий механика фани фундаментал асос бўлиши лозимлигини доимо таъкидлаб келганлар. Устознинг таъбири билан айтганда, «Механика фани математика фанларининг жаннатидир».


Академик Ўрозбоев назарий ва татбиқий механиканинг кўп йўналишларига асос солган олим эди. Хусусан, уни Ўзбекистонда механика фанининг таниқли ташкилотчиси ва мамлакатимизда унвон илмий-техник кадрлар тайёрлашнинг ҳомийси, дейиш мумкин ҳамда жаҳон фанида янги замонавий механика йўналишларининг асосчиси ҳисобланади. Бундан ташқари, дунё олимларининг илмий ишларини ривожлантириб, сейсмология фанининг янги йўналишларини очиб берган, иншоотларнинг сейсмик мустаҳкамлиги назарияси ва амалиётини яратган.

Унинг раҳбарлигида эластиклик ва пластиклик назарияси, назарий ва амалий механика, огирликка эга бўлган деформацияланадиган ипларнинг механик асослари, муҳитларда тўқиларнинг тарқалиши, тебраниш назарияси ва стержен, пластина, қобикларни динамик мустаҳкамликка ҳисоблаш методларини, суяқлик ва газлар механикаси, қурилиш механикаси фанларига асос солинди.

Академик Ўрозбоев 1946 йили Чотқол ва 1948 йили Ашхобод зилзилалари оқибатларини таҳлил қилган ва иншоотларга сейсмик таъсири меъёрий ҳужжат бўйича аниқланадиган юклагача нисбатан бир неча баробар катталиги аниқланган. Ушбу ҳолат сейсмик таъсирларни аниқлаш бўйича қабул қилинган усуллари қайта қўриб чиқиш зарурлигига олиб келди ва сейсмик юклагачларга тузатиш киритишни тақлиф қилди. Зилзилаларнинг оқибатларига кўра, Урта Осиё худудини сейсмик ҳудудлаштириш бўйича тавсияларни ишлаб чиқди. Бу маълумотлар маҳаллий материалларни зилзилабардор қурилишда қўлладда, шунингдек, халқаро меъёрий ҳужжатни тузиш ва аниқлик киритишда кенг қўлланилди.

1966 йил 26 апрелда Тошкентда рўй берган зилзила зилзилабардор бино ва иншоотларнинг фундаментал назарияси ва амалий тадқиқотларини ривожлантиришга туртки берди. 1966 йилдан 1970 йилларгача академик Ўрозбоев раҳбарлигида эпицентр зоналардаги биноларга сейсмик таъсири таҳлил қилинди, зил-

зилининг интенсивлиги ва макросейсмик таъсир бўйича сейсмик зона чегаралари аниқланди. Ўзбекистон территориясининг асосий қисmini тўққиз баллик зонага ўтказиш, оммавий қурилишдаги мавжуд турдаги лойиҳаларни тўққиз баллик зоналар шартинга мослаштириш масаласини илгари сурди.



институтида олиб борилади.

1960 йиллар охирида олимлар ва мутахассислар мураккаб тупроқ, юқори сейсмик ҳудуд шартини тадқиқоти метрополитени лойиҳалаш ва қуриш масаласига дуч келишди. Ўрозбоев ва унинг шоғирлари раҳбарлигида муҳандислик-геологик кидирув ишлари, назарий ва экспериментал тадқиқотлар натижалари бўйича метрополитен йўли, очик ва ёпиқ усулда ишлаганди, иншоотнинг жойлаштириш чуқурлигини, деформация чоклар орасидаги масофани уларнинг геометрик ўлчамлари ва грунт шартини тадқиқот қилишда танлаш каби муҳим муаммолар ечилган. Метро қурилиши амалиётида биринчи марта йиғма темир-бетон элементлардан иборат думалоқ тоннель ҳамда очик ва ёпиқ усулда ишлаш учун тўғри туртбурчли яхлит секцияли қопламалар, йирик блоклардан иборат колонна типлидаги метрополитен станциялари ва бир гumbали метрополитен станцияларининг сейсмик мустаҳкам конструкциялари ишлаб чиқилди ва жорий қилинди. Ушбу ҳисоблаш методикаси ва



МУҲАММАД ТОШЕВИЧ ҶРОЗБОВ

Ўзининг оламшумул кашфиётлари билан дунёга танилган ЎЗР ФА академиги, Россия ва Ўзбекистоннинг бир қатор Давлат мукофотлари совриндори, Ўзбекистонда хизмат кўрсатган фан ва техника арбоби

чиқилган. Пневмо оқим аппаратининг параметрлари аниқланган ва пахта териш машинаси дала шартини тадқиқотида синовдан ўтказилган. Шпиндेलли машиналарнинг асосий ишлаш принципларини ишлаб чиққан, уларнинг ўзига хос конструкциялари ва вертикал-шпинделли пахта териш машинаси учун мосламаларни яратган.

Устознинг илмий ишлари ҳозиргача механика фанининг ривожланишида асос бўлиб келмоқда ва Мустақил Давлатлар Ҳамдўстлигининг илмий ва техник ҳамияти орасида жуда катта ҳурмат ва эътиборга эга бўлган.

— Ўрозбоев бағрикенг устоз бўлган ва кўплаб ўқув кўлланмалар яратган ҳақида ҳам эшитганмиз... — Ўзбекистонда академик-механиклар сулоласини тарбиялаб етиштирган аллома эди. Олимнинг дарсликлари ва кўлланмалари республикаимиз техника олий ўқув даргоҳларида ўқитилмоқда, илмий мақолалари тадқиқ этилмоқда. Унинг «Материаллар қаршилиги» ва «Назарий механика» фанлари бўйича дарсликлари ўзбек тилида чоп этилган ва муҳандислик фанлари бўйича дарслик ва ўқув кўлланмаларнинг асоси ҳисобланади. Академик М.Ўрозбоевнинг шоғирди бўлган Ўзбекистон Республикаси фан арбоби, академик Ҳ.Усмонхўжаев Ўзбекистонда илк бора «Механизм ва машиналар назарияси» фанидан дарслик ёзган. Мана шу учта китоб Ўзбекистонда техника фанлари бўйича ўзбек терминологиясига асос солди. Бу дарсликлар ҳозирги кунда ҳам техника олий ўқув юртиларида тахсил олаётган талабалар учун дастуруламал вазифасини ўтамоқда. Устознинг шоғирлари академик М. Мирсаидов «Назарий механика» ва «Материаллар қаршилиги», профессор К.Каримов «Назарий механика» ва «Механизм ва машиналар назарияси» бўйича дарсликлар чоп этган.

Шуни алоҳида таъкидлаш лозимки, Ўзбекистонда фаолият олиб бораётган механик олимларнинг шаклланишида Муҳаммад Ўрозбоевнинг хизматлари бекиёс, унинг илгари сурган ғоялари шоғирлари фаолиятида бардавондир. Олимнинг туғалланмаган илмий ишлари бугунги кунда ҳам долзарблигини йўқотмаган. Илгари сурган ғоялари олим фозилларни баҳсга чорласа, фаннинг ривожига сабабчи бўлса, пировардида жамиятнинг фаровонлигига хизмат қилса, бундай олимлар мангуликка дахлдордир. Устознинг барча қилган хизматлари абадийликка муҳрланган. Ўзбекистон Республикаси Фанлар Академиясининг Механика ва иншоотлар сейсмик мустаҳкамлиги институти, Тошкент кўчаларидан бири Муҳаммад Тошевич Ўрозбоев номи билан аталади.

«Ўзбекистон овози» муҳбири ШУХРАТ ИСЛОМОВ суҳбатлашди.



Адлу эҳсон билан жаҳон гулшани обод бўлади. Амир Темур

Тўғрилиқ, ҳалоллик, тиришқоқлик, умидворлик, тежамкорлик, меҳнатсеварлик, шахсий ибрат — айнан мана шу етти хислатга амал қилиш — тарбия самарадорлигининг тамал тоши ҳисобланади. Абу Али ибн Сино

Кимки бир кўнгли ғарибнинг хотирин шод айлағай, Онча борки, Қаъба вайрон бўлса, обод айлағай. Алишер Навоий

Ақл эгалари, виждон соҳиблари ҳар вақт кўрган, қилган ва билганларининг ҳақиқатини ва тўғрисиини сўзлайди. Абдулла Авлоний

Умр — қисқа. Ҳақиқат узоқ яшайди. Келинг, ҳақиқатни сўзлайлик. Стендал

Ҳалол ризқ исташ ҳар бир мусулмон учун вожибдир. Ҳадис

Ўмонлики заррача бўлса ҳам қилма; заррача бўлса ҳам яхшлиқдан эринма. Одамларнинг яхшиликларини ёдингда тух, хатоликларини унут. Чен Шоу

Table with 2 columns: Region, Rating, and Contact info. Includes entries for Buxoro va Navoiy viloyatlarida, Samarqand, Jizax, Sirdaryo viloyatlarida, Qashqadaryo, Suxondaryo viloyatlarida, Andijon, Namangan, Fargona viloyatlarida, Toshkent viloyati, Toshkent shahri.

Advertisement for «TOSHKENT UNIVERSAL AUKTSION SAVDO» MЧЖ. Includes contact info, address, and auction details.

Advertisement for «ЎЗБЕКТЕЛЕКОМ» AK TШТТ филиали балансидаги аукцион савдолари соат 15-00да бошланади ва қуйида кўрсатилган манзилда бўлиб ўтади.

Advertisement for MUASSIS: Bosh muharrir: Safar OSTONOV. Includes contact info and address.

Advertisement for Qabulxona — (71) 233-65-45. Includes contact info and address.

Advertisement for Navbatchi: Bardambek SA'DULLAYEV. Includes contact info and address.

Advertisement for MUASSIS: Bosh muharrir: Safar OSTONOV. Includes contact info and address.

Advertisement for Qabulxona — (71) 233-65-45. Includes contact info and address.

Advertisement for Navbatchi: Bardambek SA'DULLAYEV. Includes contact info and address.